

- 84) **Umuyobozi ugiye kujya mu rugendo agenza ate ?** : Agomba kureba ko ikinyabiziga cye ari kizima ko nawe afite ibyangombwa bisabwa byuzuye kandi ko nta nzitizi ihari.
- 85) **Romuruki igenewe retrovizori zingahe?** Nta n'imwe igenewe
- 86) **Inyamaswa 32 zishorerwa n'abantu bangahe?** : Zishorerwa n'abantu bane
- 87) **Ni ryari kabine yicarwamo n'abantu 3?** : Ni igihe ifite umwanya wo muri kabine ufite metero 1,35
- 88) **Ibyapa bya sitasiyonema biba bimeze bite?** : Biba bimeze nk'urukiramende rufite umuzenguruko w'ubururu, ubuso bw'ubururu,ikirango cy'umweru...
- 89) **Ugiye guhagarara inyuma ya bisi wasiga umwanya ungana iki?** : Wasiga umwanya ungana na m 15
- 90) **Ni ryari warenza umuvuduko wa km 80 mu isaha kandi wabibuzwaga?** : Ni igihe utwaye ikinyabiziga ndakumirwa cyangwa uri mu marushanwa.
- 91) **Vuga impamvu zituma umuyobozi bamwaka perimi?** : *Igihe byemejwe na muganga kubera uburwayi:*
 a) Atabona neza cyangwa yarapfuye amatwi,
 b) Afite imitsi imwe n'imwe yangiritse,
 c) Akoze impanuka kabiri mu mwaka zica abantu benshi cyangwa zikabakomeretsa kubera amakosa ye yo gukabya kurenza umuvuduko n'ubusinzi.
- 92) **Iyo shoferi ahagaze abigenza ate?** : Acana amatara abigaragaza yabigenewe
 (feux de position ou feux de stop)
- 93) **Tanga ubusobanuro bw'amagambo y'amazina akoreshwa mu bigenda mu muhanda**
 a) **Makuzungu**: Ni romuruki iyo ari yo yose yagenewe gufatishwa ku kinyabiziga cyiyikurura ku buryo igice cyayo kiba kikiryanyeho kandi igice cy'ububure bwacyo n'ubw'ibyo gitwaye bushikamiye icyo kinyabiziga kiyikurura.
 b) **Igare**: Bivuga ikinyamitende gihagararira ku biziga bibiri
- 94) **Uburenganzira bwo gutwara bw'agateganyo (Permi provisoire) buhabwa bande?**
 Ihabwa utsinze ikizamini cyo kumenya mu mutwe amategako y'umuhanda.
- 95) **Umuntu w'imyaka 18 ahabwa izihe categories ?** A,B,C .
- 96) **Agent qualifié ni muntu ki?** Ni umwe mu bakozi babifitiye ububasha wambaye ku buryo bugaragaza ibimenyetso by'umurimo ashinzwe gukora.**urugero**: nk'abapolisi, abakozi ba gasutamo, abashinja cyaha.
- 97) **Umuyobozi ugonze igiti imodoka ikitambika mu muhanda yabigenza ate ?** yahashyira ikimenyetso kiranga impanuka: mpandeshatu itukura muri metero 30 cyangwa metero 100 ari nko mu ikorosi cyangwa amashami y'ibiti nyuma akihutira kuyikura mu muhanda,iyo ari imodoka igonganye n'indi abujijwe kuyihakura igihe hatarakozwa P.V keretse yahashushanyije.
- 98) **Yahanishwa iki umuyobozi ukoze impanuka aramutse atwaye iyo modoka akayijyana iwe batarakora konsita ?** Ni igifungo cy'amezi 3 kugeza kuri 12 n'ihazabu y'amafaranga ibihumbi 10.000Frw cyangwa kimwe muri ibyo bihano.
- 99) **Azahanishwa iki umuyobozi uzafatwa atwaye ikinyabiziga adafite kategori yacyo ?**
 N' igifungo cy'amezi 12 ihazabu y'amafaranga 10.000 cyangwa kimwe muri ibyo bihano
- 100) **Ni ryari ibimenyetso bimurika bidashobora gukurikizwa kandi bikora neza?**
 Ni igihe ubitegetswe n'umupolisi.
- 101) **Utwaye ikinyabiziga wabwirwa n'iki ko wari ukurikiye umurongo ucagaguye ukaba ugiye kugera ku murongo ukomeza cyangwa mu makorosi ?**
 Ni iyo ubonye umurongo ucagaguye ufite m 20 hagati hari m6 ubujijwe kuhahagarara ukahatinda.